



मेयर साहया जिद्धि कार्यपालिका बैठक च्वने मफुत जनताया ज्या याय्त नं समस्या !

● लहना संवाददाता

लहना वा:पौ/ येँ
महानगरपालिकाया मेयर बालेन साहया कारण याना: महानगरपालिकाया कार्यपालिका बैठक मच्वंगु प्यला दय्छुंकु दु। येँ महानगरपालिकाया कार्यपालिकाया बैठक च्वने मखंगु कारण याना: थीथी नीतिगत निर्णय तक जुइ मफुगु खँ येँ महानगरपालिकाया प्रवक्ता लिसे १७ वडाया वडा अध्यक्ष नविन मानन्धर कनादीगु दु। थ्व स्वयां न्हय: वंगु पुस १४ गते भिंखुक्व:गु नगरसभा बैठक च्वने न्हय: च्वंगु कार्यपालिकाया बैठक वयां लिपा च्वंगु महुनि।

स्थानीय शासन ऐनया १७ नम्बर बुँदा कथं लछिइ छक: कार्यपालिकाया बैठक च्वनेमा:गु ख:सा थ्व स्वयां न्हापा लयल्य पतिक बैठक च्वना वयाच्वंगु ख:। तर येँ महानगरपालिकाया काठमाडौं भ्यु टावरया विवाद तच्चया: वनेवं मेयर साहं प्रमुख प्रशासकीय अधिकृत सरोज गुरागाईयात कारबाही याय्छुंका कार्यपालिकाया बैठक तयगु कुत: मया:गु ख:। स्थानीय सरकार सञ्चालन ऐन कथं प्रमुख प्रशासकीय अधिकृत बैठक व सभाया सदस्य



सचिव दुइगु व्यवस्था दु। उगु व्यवस्था कथं बैठकया निर्णय च्वय्गु अधिकार नं प्रमुख प्रशासकीय अधिकृतया जुइ।

मेयर साहं प्रमुख प्रशासकीय अधिकृत गुरागाई दत्तले कार्यपालिकाया बैठक तइगु सम्भावना मदुगु खँ महानगरया सूत्रं धा:गु दु। थम्हं कारबाही यानाम्ह प्रमुख प्रशासकीय

अधिकृत नगरपालिकाय हाजिर जुइछुंका: मेयर साह धा:सा अफ्न नं थ:गु ज्याकुथिइ तक वय्त चाहे मजुगु खँ नं सूत्रं धा:गु दु।

मेयर साह कार्यपालिकाया बैठक मस:तूगु कारण याना: थीथी निर्णय याय्त समस्या जुइवं वंगु चैत ११ गते भिंच्याम्ह वडा अध्यक्ष व न्याम्ह

कार्यपालिकाया दुज:पिसं मंका: कथं प्रवक्ता मानन्धर मार्फत मेयर साहयात ज्ञापन पौ बिउगु ख:। तर उगु ज्ञापन पौ काय्छुंका: नं मेयर साहं कार्यपालिकाया बैठक तयगुलिं वेवास्ता यानाच्वंगु द्वपं नं प्रवक्ता मानन्धर बिउगु दु।

प्रवक्ता मानन्धर कार्यपालिकाया बैठक च्वने मफुगुलिं याना: जनताया

समस्या तयगु कानुनी लैपु हे बन्द जूगु धासैं धयादिल, 'जनताया समस्या तयगु थाय् कार्यपालिकाया बैठकय् ख:। कार्यपालिका हे कानुनी निर्णय याइगु ख:। तर मेयर साहं थुकिइ ध्यान बियाच्वंगु मदु।' वय्कलं जनप्रतिनिधिपिसं कार्यपालिकाया बैठक तय्त माग यानाच्वंसां मेयर साहं कार्यपालिकाया बैठक तय्त इच्छुक मजुयाच्वंगु द्वपं नं बियादीगु दु।

कार्यपालिकाया बैठकय् थ: प्रति थीथी न्हयस: ब्वलने फइगु ग्या: चिकुं याना: हे बैठक मस:तूगु द्वपं नं प्रवक्ता मानन्धर बियादीगु दु। वय् कलं मेयर साहया सचिवालयया कारण याना: मेयर साहं बैठक तय्त इच्छुक मजुयाच्वंगु धासैं धयादिल, 'बैठक तइगु इलय् मेयर साहं यानाच्वंगु थीथी ज्यायात कया: न्हयस: दनेफु धइगु ग्या: चिकुं याना: हे बैठक मत:गु ख:। बैठकय् तय्त लिचिलेमा:गु मेगु कारण मदु। सचिवालय बाहेक मेपित वास्ता हे यानाच्वंगु मदु। जिं हे फुक्कं ख: धका: तानाशाह शैलीं ज्या जुइ मखु। अथे जुया: आ: जनतां नं न्येनेगु ई जुइछुंका:गु दु।' त्यं ७ पेजय्

नेवा: राष्ट्रिय मुक्ति मोर्चाया नायल्य उमेश स्थापित



लहना वा:पौ/ प्रमुख प्रतिपक्ष दल नेकपा (माओवादी) केन्द्र सशस्त्र द्वन्द्वकालया इवल्य स्थापित या:गु जातीय संगठनयातसक्रिय याय्गु रणनीति नालाका:गु दु। उगु पार्टी वंगु स्वला न्हयर्वनिसें भेला याय्गुया लिसे वंगु शनिवा: नेवा: राष्ट्रिय मुक्ति मोर्चाया स्वक्व:गु अधिवेशन या:गु दु।

वसन्तपुलिइ जूगु ज्याइवल्य न्ववाय्गु इवल्य माओवादी केन्द्रया

अध्यक्ष पुष्पकमल दाहाल राजतन्त्रया भुतं छयैं ल्हवनेत स्वयाच्वंगु धासैं न्हापा पार्टीयात गतिशील दय्केत योगदान यानाच्वंगु थीथी मुक्ति मोर्चायात सक्रिय याय्गुया लिसे अधिवेशन याय्गु खँ धयादीगु दु। वय्कलं संविधान दय्केधुंका: थ:पिं सरकारय् वनागु ख:सां नं जनता, उत्पीडित समुदाय लिसेया सम्बन्ध कमजोर जूगु धासैं आ: त्यं ७ पेजय्





नेवा: राष्ट्रिय म्ये

चमि : दुर्गालाल श्रेष्ठ लय् चिनामि : तिर्थ माली

धुन देने धुन सँन्त्यलं भी फुक्कं हे छम्ह जुइ धुन
भीगु लागाय् भी स्वयं हे जः जुया धुन लुइ धुन
ह्यांगु भुमिइ अष्टमण्डल ह्यांगु चाः दुने थी नगु
भीगु नेवाः ध्वाँय् थ्व हे खः ज्यान भी सकस्यां छगू
जातितय् स्वायत्त राज्यं लुइ कपं च्वय् भिलिमिलिं
राष्ट्र भःभः धाय्क न्ह्याके भीगु चःतिं भीगु हिं

सम्पादकीय



शिक्षक थःगु जिम्मेवारीं च्यूत जुइ मजिउ

थीथी माग तयाः शिक्षकतय्सं आन्दोलन याना वयाच्वंगु स्ववाः दइन । फुक्कं धयाथें सामुदायिक विद्यालय बन्द यानाः शिक्षकतयें वयाः आन्दोलनया ज्याइवल्य् केन्द्रित जुयाच्वंगु दु । निश्चित रुपं शिक्षकतय् माग जायज जुइफु । तर थुकथं विद्यालय हे पूर्ण रुपं बन्द याय्गु ज्यायात धाःसा स्वीकार याय्फइगु ज्या धाःसा पक्का नं मखु । शिक्षकतय् दायित्व सामान्य मनु स्वयां आपालं पाः । आम सर्वसाधारण नागरिक स्वयां नं शिक्षकतय् दायित्व व जिम्मेवारी बिस्कं कथंया दु । छम्ह मनुखं जागिर नल धाःसा उम्ह मनुखं निश्चित समुदाय वा व्यक्तिया विकास याइ । तर शिक्षकतय् दायित्व वृहत दु । भविष्यया कर्णधार उत्पादन याइपिं शिक्षकपिं थौं गुगु आन्दोलनया चरणय् दु थुकिं समग्र देय्या शैक्षिक क्षेत्रयात हे प्रभावित यानाच्वंगु दु ।

अथे ला शिक्षकतय् मागयात कयाः सरकार गम्भीर जुइमाःगु खः । तर सरकार गम्भीर मजू । थुकिया लिपांगु दसु धइगु हे आः वयाः शिक्षकतय्सं यानाच्वंगु आन्दोलन खः । शिक्षकतय्सं न्हापा नं थःपिनिगु माग तयाः आन्दोलन मयाःगु पक्का नं मखु । तर उगु इलय् शिक्षक महासंघ लिसे याःगु सहमति वा सम्झौता कार्यान्वयन मजगुलिं यानाः हे शिक्षकत हाकनं आन्दोलिन जुइमाःगु खँ धाय्गु यानाच्वंगु दु । शिक्षकतय् माग न्हापा जगु सहमति कथं कार्यान्वयन जगु खःसा वा थ्व थ्व कारणं यानाः तत्काल कार्यान्वयन याय् फइमखु धकाः सरकारं धाःगु खःसा थौं वयाः उगु हे मागयात कयाः आन्दोलन याना च्वनेमाःगु अवस्था निश्चित रुपं मवइगु खः । तर सरकार थःगु दायित्वं विमुख जुइवं थौं वयाः न्यय्गु लाख स्वयां अप्वः विद्यार्थी प्रभावित जुइगु सम्भावना अप्वया वनाच्वंगु दु । अथे ला सरकारं च्वंपिसं न्ह्याबलें नं छुं नं कथंया आन्दोलन जुल धाःसा उकियात कयाः सम्झौता सहमति याय्गु ज्या यानाच्वंगु दु । तर उकियात कार्यान्वयन पक्ष धाःसा न्ह्याबलें लिउने लानाच्वंगु दु । वास्तवय् देशय् सुशासन बीगु खःसा थज्याःगु कथंया आन्दोलन याय्म्वालिगु व्यवस्था सरकारं याय्माःगु खः । तर यानाच्वंगु मदु ।

अथे खःसां नं सरकार थःगु दायित्व विमुख जूसां नं शिक्षकतय्सं धाःसा विद्यार्थीया भविष्य हे बर्बाद जुइ कथं आन्दोलन याय्गु ज्या नं पाय्छि धाःसा धाय् मछिं । छा्य् धाःसा मेमेगु आन्दोलनं क्षणिक क्षति जुइ तर शिक्षकतय्सं विद्यालय बन्द जुइकथं याःगु आन्दोलनं धाःसा तःधंगु क्षति याइगु निश्चित दु । विद्यालय बन्द जुइगु अवस्थाय् ५० लाख विद्यार्थी ब्वनेगु पाखे वन्चित जुइगु धइगु गुगु नं कथं न्यायोचित जुइ मखु । उलि मछि विद्यार्थीया भविष्य संकटय् लाइगु धइगु देय् हे संकटय् लाइगु अवस्था खः । अथे जुयाः शिक्षकतय्सं गुगु माग तयाः आन्दोलन यानाच्वंगु दु थ्व आन्दोलन जायज हे जूसां नं विद्यालय हे बन्द याय्गु ज्या गुगु नं कथं उचित मखु । आन्दोलनया माग पूर्वकेगु मेगु आपालं लैपु दय्फु । उकियात ध्यानय् तयाः शिक्षक महासंघं बिचाः याय्माःगु आवश्यकता जुयाच्वंगु दु । मखु शिक्षकतय्सं थुकथं ढिपि हे यानाः विद्यार्थीया भविष्यय् म्हितेगु स्वल धाःसा निश्चित दु थौं शिक्षकतय् गुगु सम्मान बियातःगु दु उकिं ह्याकिं वनेफइगु खँय् शिक्षकत सचेत जुइमाः ।

राजनीतिक पार्टी दुने लोकतान्त्रिक व्यवस्था जुइमाः



दिलीप शाही “शान्तिचज्जु”

प्रधानमन्त्री केपी शर्मा ओली प्रधानमन्त्री जगु गुला दइन । तर सरकारय् दुथ्याःगु पार्टी हे सरकारया ज्या खनाः सन्तुष्टि जुइ फयाच्वंगु मदु । सरकारया ज्यायात कयाः विशेष यानाः नेपाली कांग्रेसया नेतातय्सं असन्तुष्टि प्वकेगु ज्या यानाच्वंगु दु । वर्तमान



गठबन्धन सरकार नीस्वंगु इलय् प्वकूगु प्रतिवद्धता थौं छु जुयाच्वन धइगु न्ह्यसः थौं ब्वलनाच्वंगु दु । सरकारया ज्या आम सर्वसाधारण जनतायात डेलिभरी बीगु खः । तर सरकार थुखेपाखे ध्यान वनाच्वंगु मदु । अभ्र गुर्खिलें अवस्थाय् धाय्गु खःसा सरकारयात जनताया समस्या व मर्काया बारे चिउताः हे मदु धाःसा पाइमखु । बस सरकार न्ह्यानाच्वंगु दु, थःगु हे तालय् देय् व जनता प्रति छुं भचा जक जूसां नं चिउताः क्यनेगु खःसा पुलांम्ह जुजुं छ्यैं ल्हवनेगु हिम्मत मयाइगु खः । पुलांम्ह जुजुं छ्यैं ल्हवंगु कारण मेता मखु वर्तमान राजनीतिक पार्टीया कार्यशैली हे खः धइगु खँ थौं यच्चुक खने दयाच्वंगु दु । तर सरकार धाःसा थःगु खास पहलं न्ह्याय्गुलिं हे मस्त जुयाच्वंगु दु । देशय् शासन व्यवस्था तालय् मलात धाःसा जनतां सः थ्वय्कीगु खः । तर सरकारं जनताया थ्व सःयात कदर याय् फयाच्वंगु मदु ।

अथे ला पोखरां लिहां वम्ह पुलांम्ह जुजु ज्ञानेन्द्र शाहयात जुजुवादीतय्सं लसकुस याय्गु गुगु ज्या जुल । वयां लिपा छगू कथं धाय्गु खःसा सरकारं आर्तकित जगु खःसा चैत १५ गतेया घटना लिपा नं सरकारं माःगु शिक्षा काय्मफुगु खनेदत । सरकार थः हे आर्तकित जुइगु अवस्थाय् जनताया मनोभावयात थुइकेगु सम्भावना मन्त । आः जुयाच्वंगु नं थ्व हे खः । देय्या राजधानीइ न्हिथं शिक्षकतय्सं प्रदर्शन यानाच्वंगु दु । उकथं हे सहकारी लिसे मिटर व्याज पीडिततय्सं न्हिथं विरोध जुलुस पिकाया च्वंगु दु । तर थ्व समस्या समाधान याय्गुलिं सरकार सफल जुयाच्वंगु मदु । सरकारं आन्दोलनया इवल्य् थीथी कथंया आशवासन बीगु ज्या यानाच्वंगु दु । तर आन्दोलन दीधुंकाः उकियात समाधान याय्गु लैपुइ वना मच्चंगु कारणं यानाः हे थौं देय् आन्दोलन मय जुयाच्वंगु दु । छम्हुचा जुजुवादीतय्सं शक्ति

प्रदर्शन याय्वं हथास जूम्ह सरकार वा राजनीतिक दलतय्सं नं जुजुवादीतय् काउन्टर बी कथं शक्ति प्रदर्शन याय्गु गुगु ज्या यानाच्वंगु दु थ्व पाय्छि खः वा मखु धइगु विश्लेषण तर्क राजनीतिक दलतय्सं यानाच्वंगु मदु । छु गणतान्त्रिक व्यवस्था थुलि शक्तिहिन खःला छम्हुचा मनूतय्सं प्रदर्शन याय्वं वा जुजुवादीतय्सं प्रदर्शन याय्वं थुकथं थःगु शक्ति प्रदर्शन याय्माःगु अवस्था वल । थुकिया मेता कारण मखु राजनीतिक दलतय्सं यानाच्वंगु थःगु अर्कमन्यताया कारण हे खः धकाः धाय्माः । अले राजनीतिक पार्टीतय्सं थुकथं शक्ति प्रदर्शन याय्गु पलेसा थःपिसं छु गज्याःगु कमिकमजोरी यानाः धकाः लिफः स्वय्माःगु मखुला ? तर



थुकथं जुजुया अवशेष ल्यनाच्वनी उगु इलय् तक लोकतान्त्रिक गणतान्त्रिक व्यवस्था प्रति जनता प्रतिवद्ध जुइ मखु । थुकिया लिपांगु उदाहरण खः जुजुवादीतय् सक्रियता । अथे ला पुलांगु राजनीतिक पार्टी दुने जक मखु न्हू धाःगु राजनीतिक पार्टी दुने नं थुकथंया समस्या खने दयाच्वंगु खनेदु । विशेष यानाः मधेशवादी न्हूगु राजनीतिक पार्टी निसें न्हू धकाः वःगु राष्ट्रिय स्वतन्त्र पार्टी दुने नं पुलांगु राजनीतिक पार्टीया गाजलं दाःगु स्पष्ट जुयाच्वंगु दु ।

अथे ला सरकारं देय्यात समृद्धिया लैपुइ यंकेगु खँ धयाच्वंगु दु । देशय् सुशासन कायम याय्गु खँ धयाच्वंगु दु । भ्रष्टाचार नियन्त्रण



निश्चित रुपं देय् गणतान्त्रिक व्यवस्थाय् दुहाँ वन ।

तर राजनीतिक पार्टी दुने गणतान्त्रिक व्यवस्था

थाय् काय् फयाच्वंगु मदु । नेपाःया फुक्कं धयाथें

राजनीतिक पार्टीयात स्वय्गु खःसा छम्ह व्यक्ति हावी

जुयाच्वंगु थौंया अवस्था खः । नकतिनि हे जक धाय्गु

खःसा वर्तमान सरकारया ज्यायात कयाः नेपाली

कांग्रेसया नेतातय्सं असन्तुष्टि प्वकाच्वंगु खः ।

अथे यानाच्वंगु मदु । थुकिया मू कारण धइगु राजनीतिक दलया नेतातय्सं थः हे फुक्कं खः धइगु गुगु मानसिकता क्वबियाच्वंगु दु, उकिया कारण खः ।

निश्चित रुपं देय् गणतान्त्रिक व्यवस्थाय् दुहाँ वन । तर राजनीतिक पार्टी दुने गणतान्त्रिक व्यवस्था थाय् काय् फयाच्वंगु मदु । नेपाःया फुक्कं धयाथें राजनीतिक पार्टीयात स्वय्गु खःसा छम्ह व्यक्ति हावी जुयाच्वंगु थौंया अवस्था खः । नकतिनि हे जक धाय्गु खःसा वर्तमान सरकारया ज्यायात कयाः नेपाली कांग्रेसया नेतातय्सं असन्तुष्टि प्वकाच्वंगु खः । तर छुं न्हि न्ह्यः प्रधानमन्त्री केपी शर्मा ओली व नेपाली कांग्रेसया सभापति शेरबहादुर देउवा दथुइ छुं खँ जुइवं सरकारया ज्यायात कयाः विरोध यानाच्वीपिं कांग्रेसया नेतात सुम्क च्वनेमाःगु अवस्था वल । वा धाय् उमिसं न्हापा थम्हं ल्हाःगु भाय् हिलेत बाध्य जुल । खः राजनीतिक पार्टी दुने खनेदुगु समस्या थ्व हे खः । थम्ह नेतां न्ह्याक्व हे बामलाःगु ज्या याःसां नं उकियात त्वःपुइगु । थुकिं छुं खँयात स्पष्ट यानाच्वन धाःसा राजनीतिक पार्टी दुने लोकतान्त्रिक पद्धति विकास मज्जनि वा विकास याय् चाहे जुयाच्वंगु मदु वा छगू कथं धाय्गु खःसा राजनीतिक पार्टी दुने नं जुजुया अवशेष दिन । अले गबलय् तक राजनीतिक पार्टी दुने

याय्गु खँ नं धयाच्वंगु दु । तर वर्तमान सरकारया कार्यशैली स्वय्गु खःसा पाय् छि थुकिया अःखः न्ह्यानाच्वंगु महसुस आम जनतां यानाच्वंगु दु । सरकार विरुद्ध गुगु भाष्य कायम जुयाच्वंगु दु उकियात फायाः न्ह्याःवनेगु ज्या सरकारं याय्माःगु खः । तर सरकारं उगु ज्या याय् फयाच्वंगु मदु । अभ्र धाय्गु खःसा राजनीतिक पार्टी दुने हे लोकतान्त्रिक संस्कार विकास मजुइकं देय् समृद्धि यंकेगु धइगु खँ नं फय्गं सावित जुइ । उकिया नितीं दकलय् माःगु खँ धइगु राजनीतिक पार्टी निसें सरकार सञ्चालन तक लोकतान्त्रिक शैली नालेगु खः । राजनीतिक पार्टी निसें सरकारय् तक विचौलिया हावी जुयाच्वंगु दु । अले देय् विकासया नितीं दकलय् तःधंगु पंगः धइगु विचौलिया खः धइगु खँ स्पष्ट जुजुं वनाच्वंगु दु । थुकिया ज्वलन्त उदाहरण धइगु देय् या थीथी पदय् नियुक्त जुइपित स्वःसा गाः । थन क्षमता व योग्यता स्वयां नं विचौलियाया स्वार्थपूर्ति याइपित देय् या प्रमुख पदय् यंकेगु यानाच्वंगु दु । गुकिया लिच्वः कथं पदय् वंम्ह व्यक्तीं देय् व जनताया नितीं स्वयां नं थःत उगु थासय् तक थ्यंकेत योगदान याःपिनिगु इशाराय् न्ह्याय्माःगु अवस्था दु । अथेजुयाः वर्तमान सरकारं धात्थें समृद्धि चाहे जगु खःसा दकलय् न्हापां विचौलियाया हस्तक्षेपयात दिकेमाःगु अवस्था थौं जुयाच्वंगु दु ।

પ્રેમમાન ડાંગોલ

नेपाल छगू तान्त्रिक देय् खः ।
थन गुलि नं द्यः दु फुक्कं धयाथें
तान्त्रिक विधि विधान कथं थापना
यानातःगु खः । थीथी थासय् दुगु
द्यःपिनिगु मूर्ति व देगलय् थःगु हे
मौलिक अस्तित्व व विशेषता दु ।
नेपाःया शक्तिशाली तान्त्रिक गुरुपिसं
थःगु वसय् तयाः प्याखं स्यनाः द्यः
प्याखं हुइकेगु यानाच्चंगु खः ।

श्वहे इवल्य थुगुसी जीवित द्यःया
रुपय् माने याना वयाच्चम्ह हल्चोक
आकाश भैरवाय भिनिदँया जात्रा न्ह्याःगु
दु । वंगु २०८२ वैशाख १ गते राष्ट्रपति
रामचन्द्र पौडेल हल्चोक स्थित नागार्जुन
नगरपालिका-३ सं राष्ट्रपतिं पूजा
यानाः हल्चोक आकाश भैरवया जात्रा
न्ह्याःगु दु । श्री हल्चोक आकाश भैरव
भिनिदँया जात्राय् न्हापांखुसी राष्ट्रपतिं
पूजा यानाः प्रसाद ग्रहया यानादीगु
खः । उक्तथं हे गुर्जुया पल्टनं न्हापांखुसी
ब्वति काःगु खः । वैशाख २ गते श्री
हल्चोक आकाश भैरव यँया नगर
परिक्रम यानाः न्ह्याःगु खः । यँया न्यतय्
च्चंगु ताम्सिपाखां हनुमानध्वाखाया
कालभैरव न्ह्यःने पञ्चबली सहित
पूजा यानाः जात्रा न्ह्याःगु खः ।
दँयदसं यँयाः पुन्हिया इलय् श्री हल्चोक
आकाश भैरवया प्याखं क्यनेगु याइ ।
उकिइ आकाश भैरव, चण्डी व कुमारी
द्यःपिं नगर परिक्रमा याय्गु याइ । तर
भिनिदँया जात्राय् द्यःशा भिम्ह द्यःपिसं
ब्वति काय्गु याइ । गुकिइ श्री चण्डी,
श्री कुमारी, श्री हल्चोक आकाश भैरव,
श्री गंगा, श्री महादेव, श्री पार्वती, श्री
आकाश देवी, श्री वाराही, श्री महाकाली
व श्री दक्षिणकाली द्यःपिं दुथ्याः ।



पुतुवार समुदायं नृत्याका
वयाच्चंगु श्री हल्चोक आकाश भैरव
जात्राया न्हापांगु ण्हि नागार्जुनया
छहारे व आकाश देवीया थासय् वनाः
पूजा याय्माःगु परम्परा दु । उगु इलय्
द्यःया शक्ति भुस्याः, बाजं व चिलाख
मध्य छगुलिं दुबिइ धङ्गु विश्वास दु ।
श्री हल्चोक आकाश भैरव समाजया
अध्यक्ष शेरबहादुर पुतवारया कथं स्वंगु
मध्य छगुलिं द्यःया शक्ति दुबिइ धुंकाः
उकियात कापतं त्वःपुनाः द्यः छैय्
यंकेंगु याइ । द्यः छैय् विशेष पूजा जुइ ।
वयां लिपा भिम्ह द्यःयात हल्चोकय्
चाःहिकेंगु याइ ।

अध्यक्ष पुतुवारया कथं थुगुसी
वैशाख ३ गते केलत्वालय, वैशाख ६
गते मरु दबुली, १२ गते दमाई त्वाः, १३
गते वतु चिकंत, १८ गते न्यतपाच्चः,
१९ गते पहिको त्वालय, २० गते
ब्रम्ह त्वालय, २१ गते खुसिबुँद, २५
गते बहतिड, २७ गते न्यःखाय व
वैशाख ३१ गते तामिसपाखा, डल्ल

चकु व डल्लु चौतारयु प्याखं क्यनी ।
थुकथं हे सुनां नं द्यःपित पूजाया निति
ब्वन धाःसा अज्याःगु थासयु नं प्याखं
हुडेकेगु याइ । थुकथं सःतेबलयु २५ गू
पूजा तयूमाःगु चलन दु । तर पञ्चबली
धाःसा ग्वसाः खलःया स्वेच्छायु जुइ ।
स्वनिगलयु आकाश भैरवयात सवः द्यः
वा सवः भकु नं धायगु याः ।

न्हापा न्हापा यँया पुन्हिया इलय्
 सवः भकुयात म्ये बिइगु चलन दुगु
 खः । म्ये बी न्ह्यः म्येयात अय्ला थ्वं
 त्वकेगु याइ । सवः भकुयात म्ये बीगु
 इलय् हनुमानध्वाखाया दुने छ्वाखें
 पथं बार तयगु याइ । उगु बार दुने मेपिं
 दुहां वनेधाःसा मडु । उगु बार दुने सवः
 भकु भैरव व मेम्ह छन्ह सित जक दुतछ्
 वइगु खः । उम्ह मनुखं अय्लाखं काःम्ह
 म्येयात तापाकं ह्याउँगु स्माल क्यनाः
 हाय्केगु याइ । उगु इलय् म्ये नं च्वय्त
 वइसा हाय्काच्वम्ह मनु बिसिउँ वनी ।
 उगु इलय् भैरवं म्येयात पाली । तर सवः
 भकुं पालेगु इवल्य् छले जुयाः म्येया

थीथी ब्वय् लाइ । थुकथं ताः ई तक
कुतः लिपा सवःभकु म्ये पालेत ताः
लाइ ।

न्हापा २०२०/२१ साल पाखे
थौकन्ह्यू दशरथ रंगशालाय् सवः
भक्यात म्ये वीगु ज्या जूगु खः । उगु
इलय् भीगु पम्परगत नखःचखःया
इवल्य् थज्याःगु अजूचायापूगु चलन
पर्यटकतय्त नं अकर्षित याय् फइला
धइगु आज्जु कथं रंगशालाय् म्ये बिउगु
खः । थुकथं स्वदं तक यँयाःया इलय्
रंगशालाय् प्रदर्शन याःगु खः । उगु इलय्
म्ये बिउगु स्वय्त सर्वसाधारण जनतां
टिकट काय्माःगु खः । तर थज्याःगु
विभत्स कथं म्ये वीगु चलनयात कयाः
थीथी थासं विरोध जुइवं उकियात
दिकेगु ज्या जूगु खः ।

श्री हल्चोक आकाश भैरवयात
वायु तत्वया रूपय् नं कायगु याः।
सुयात नं वायु सम्बन्धी विकार
जुल धाःसा हल्चोकय् वनाः पूजा
यातधाःसा लनी धङ्गु विश्वास दु।
श्री हल्चोक आकाश भैरवया जात्रा
१०३८ दै न्ह्यः नेपाल संवत १०७ सं
तत्कालीन जुजु गुणकाम देवं न्ह्याकूगु
धकाः धाय्गु याः। श्री हल्चोक
आकाश भैरव समाजया संरक्षक सागर
पुतुवारया कथं जुजु गुणकामदेवयात
महालक्ष्मीं दर्शन बिउगु खः। उगु
इलय् महालक्ष्मी देवीं बिउगु उर्ज कथं
जुजुयात शत्रुया भयपाखे मुक्त याय्गु
निर्तिं हल्चोक आकाश भैरव सहित
थीथी छःयात तान्त्रिक विधिं उत्पन्न
यानाः स्थापना याःगु खँ देवमाला
वंशावलइ न्ह्यथनातःगु दु। उक्तं
हे वंशावलीइ श्री हल्चोक आकाश
भैरवया फिनिदैया जात्रा धाःसा जुजु
अमर मल्लं न्ह्याकूगु खँ न्ह्यथनातःगु
दु।

नहापा नहापा यँया
 पुन्हिया इलय् सवः
 भकुयात म्ये बिइगु
 चलन दुगु खः । म्ये
 बी न्ह्यः म्येयात
 अय्ला थं त्वंकेगु
 याइ । सवः भकुयात
 म्ये बीगु इलय्
 हनुमानध्वाखाया
 दुने छचाखेरं पथं बार
 तय्गु याइ । उगु
 बार दुने मेपिं दुहां
 वनेधाःसा मदु । उगु
 बार दुने सवः भकु
 भैरव व मेम्ह छम्ह
 सित जक दुतछ्वइगु
 खः ।





राम प्रजापति
प्रोफ़ाइटर

हारती मिठाई भण्डार

(शुद्ध शाकाहारी)

कालिमाटी चोक, टंकेश्वर मार्ग, काठमाडौं ।
फोन नं. : ०१-५३७२११९, मो. ९८०३९८०६९९

यहाँ:-

विवाह, व्रतबन्ध, पार्टी, पिकनिक, तथा अन्य शुभ कार्यको लागि अर्डर अनुसार मिठाईहरू तयार गरिन्छ ।

[illegible]





जात्राया नितिं सरकारं खास हे ग्वाहालि यानाच्वंगु मदु : शेरबहादुर पुतुवार

हल्चोक भैरवया भिनिदैया जात्रा वंगु वैशाख १ गते निसैं न्ह्यानाच्वंगु दु। लछियंक न्ह्याइगु जात्राया इवल्य राष्ट्रपति रामचन्द्र पौडेलया उपस्थितिइ विशेष पूजा जूगु खः। हल्चोक भैरवया जात्राय राष्ट्र प्रमुख उपस्थित जूगु थव न्हापांखुसी खः। उक्तथं हे भिनिदैया जात्राया इवल्य न्हापांखुसी थुगुसी शार्दुल गुल्म (गुर्जुया पल्टन) उपस्थित जुयाः जात्रा अभ्र भ्रः भ्रः धाय्केगु ज्या जूगु खः। थव जात्रायात कयाः हल्चोक आकाश भैरव समाजया अध्यक्ष शेरबहादुर पुतुवार लिसे जूगु खँहाबल्हा।

➤ हल्चोक आकाश भैरवया भिनिदैया जात्रा गुक्तथं न्ह्यानाच्वंगु दु ?

भिनिदैया जात्रा २०८२ वैशाख १ गते निसैं न्ह्यानाच्वंगु दु।

➤ दछियंक न्ह्याइगु जात्राया इवल्य गन गन प्याखँ हुइकेमाः।

वनेमाःगु छगू थाय् द्यः छँ जुल। अनं वनाः हनुमानध्वाखाया कालभैरव जुल। अनं मरुइ जुल। दकलय् लिपा हल्चोकय् पञ्चबली सहित पूजा याय्माःगु चलन दु।

➤ हल्चोक भैरवया भिनिदैया जात्राया इवल्य हल्चोकय् नं पञ्चबली बीमाः ला ?

भिनिदैया जात्रा पिकाय्गु इवल्य वैशाख १ गते हल्चोकय् पञ्चबली बीमाः। अनं लिपा कालभैरवया न्ह्यःने पञ्चबली बीमाः। अले जात्रा क्वचाय्केगु इवल्य नं पञ्चबली बीमाः। थव फुक्कं ज्या गुथिं याना वयाच्वंगु दु।

➤ गुथि धकाः गुथि संस्थानं बीगु कि भ्नी थःगु निजी गुथिं बीगु ?

गुथि संस्थानं मखु कि कौशीतोषाखानां बीमाःगु खः। तर गुथि संस्थानं बिउगु मदु। उक्तथं हे कौशीतोषाखानां बिउगु मदु। भीगु हे आकाश भैरव गुथिं बीगु यानाच्वनागु दु।

➤ थव जात्रा न्ह्याकेत गुलि जनशक्ति माः ?

जनशक्ति ला अप्वः हे माः। जनशक्ति अप्वः जुल धाःसा ज्या याय्त अःपुइ। तर भीसं उखेथुखें यानाः ९० म्ह जनशक्ति व्यवस्था याना तयागु दु।

➤ लछि तक जात्रा याय्गु नितिं खर्च गुलि जुइ ?

लछि तक जात्रा याय्गु नितिं ६० निसे ७० लाख तका माः। तर भीके उलि ध्यबा मदु। अथे खःसां नं उधारो कयाः, पासापिके ग्वाहालि कयाः, उक्तथं हे यैं महानगरपालिकां भचा ग्वाहालि वःगु दुसा नागार्जुन नगरपालिकां नं छुं भचा ग्वाहालि वःगु दु। यैं महानगरपालिकां ६ लाख तका ध्यबा पेशकी बिउगु दुसा नागार्जुन नगरपालिकाय् बिल भौचर बुभे याय् धुंकाः जक ग्वाहालि वइगु जूगु दु।

➤ सरकारपाखे छु गज्याःगु ग्वाहालि यानाच्वंगु मदु ला ?



शेर बहादुर पुतुवार

नायः, श्री हल्चोक आकाश भैरव समाज

सरकारं खास हे ग्वाहालि यानाच्वंगु मदु। भीसं जात्राया बारे सरकारयात जानकारी याकागु खः। तर उकियात चिउताः क्यनाच्वंगु मदु। जात्रा न्ह्याय्धुकूगु दु। जात्रा न्ह्याय् न्ह्यः हे सरकारं चिउताः क्यनेमाःगु खः। तर अथे जुयाच्वंगु मदु।

➤ भीसं सरकारयात बजेट पेश याना तयागु दु ला ?

जात्राया नितिं कौशीतोषाखानाय् ३६ लाखया बजेट पेश याना तयागु दु। उक्तथं हे प्रदेशय् नं बजेट पेश यानातयागु दु। प्रदेशं बजेटया नितिं आश्वासन बियाच्वंगु दु। तर ध्यबा धाःसा आः तक निकासा जूगु मदुनि।

➤ जात्राय इवल्य द्यः जूपिं व स्वयम् सेवक जूपित छुं नं कथंया पारिश्रमिक बी माः कि म्वाः ?

जात्राय संलग्न जुईपित राज्य पारिश्रमिक बीमाःगु खः। तर राज्य बियाच्वंगु मदु। आः गुथिं नं बी धाःसां नं गुथियाके आमदानीया स्रोत मदु। अथे जुयाः न्हापां निसे पारिश्रमिक बीगु याना वयाच्वनागु मदु। तर भीसं थुगुसी निसैं बीगु ल्याखँ छगू योजना दय्कागु दु। तर थव सफल जुइ वा मजुइ धकाः धाय् फ्याच्वंगु अवस्था धाःसा मदु।

➤ धाय्बलय् पारिश्रमिक बीगु छिकपिनिगु योजना दु। व योजना कार्यान्वयन याय्गु नितिं हाकनं सरकारया ल्वाः स्वय्माःगु अवस्था खः ला ?

हल्चोक भैरव गुथिया छुं नं कथंया आमदानीया स्रोत मदु। अथे जुयाः विकल्प धइगु हे सरकार खः। अले थव जात्रा पर्वया दायित्व गुथिया जक मखु सरकारया खः। अथेजुयाः थुकिं सरकारं हे चिउताः क्यनाः ग्वाहालि याय्माः।

➤ छिकपित सर्वसाधारण जनतां नं आर्थिक ग्वाहालि याःगु दु। थुकिं गुलि तक तिबः बिउ थें ताः ?

आः तक खुगू निसे न्हय्गू लाख तका ग्वाहालि वःगु खनेदु। ग्वाहालि वय्गु क्रम जारी नं जुयाच्वंगु दु। मेता धइगु जात्राया इवल्य द्यःपित छाइगु ध्यबा नं भीसं मुंका च्वनागु दु। उगु हे ध्यबा नं जात्रा न्ह्याकेत ग्वाहालि जुयाच्वंगु दु।

➤ हल्चोकनिसैं हनुमानध्वाखा लागाय् जात्रा न्ह्याकेमाःगु अवस्था दु। थुकी तःधंगु समस्या छु खः ?

दकलय् तःधंगु समस्या धइगु हल्चोकं निसैं यैं तक द्यः ज्वनाः

२०७० सालय् भिनिदैया

जात्रा याय्गु भवलय्

तसकं दुःख जुल।

बजेट मदु। उगु इलय्

जात्राया न्हिं न्यान्ह

खुन्ह जक ल्यैं दनि तर

जिमिके द्यबा मदु।

उगु इलय् सुरेन्द्रभक्त

श्रेष्ठ व नृपेन्द्रलाल

श्रेष्ठया ग्वाहालिइ जिपिं

अर्थ मन्त्रालय वनाः

ल्वाय्माःगु अवस्था तकं

वल। राज्यं याय्माःगु

दायित्व पूर्वकेमाःगु ज्या

तकं राज्य पूर्वकाच्वंगु

मदु।

वय्माःगु व द्यः ज्वने लिहां वनेमाःगु हे खः। थुक्तथं न्हिथं द्यः ज्वनाः वय् वने याय्माःगु हे तःधंगु समस्या खः। लिसे लिसे स्वयम् सेवक जुयाच्चीपिं ९० म्हेसिया व्यवस्थापन नं छगू कथंया समस्या खः। छन्हु निन्हु जक स्वयम् सेवक कथं ज्या याय्गु खःसा ला मेता खँ जुल। लछि तक स्वयम् सेवक जुयाः ज्या याय्बलय् वय्कःया छँजःपित नं समस्या जुइ। अभ्र धाय्गु खःसा ज्या यानाः नय्माःपित भन समस्या खः। तर अथे जूसां नं वय् कःपिसं भीगु संस्कृति परम्परा ल्यंकेत थःगु छँजः मधासैं गुगु ज्या यानाच्वन थव धइगु तःधंगु त्याग खः।

➤ छिं धयादिल, जात्राया नितिं स्वयम् सेवक व द्यः गन यानाः छुं मखुसां सत्याति मन् दइ। वय्कःपित नय्गु व्यवस्था गुक्तथं यानादिया ?

आः तक वय्कःपिसं थःगु हे छँय नयाः स्वयम् सेवक जुयाः ज्या यानादीगु दु। वय्कःपिसं जात्रा, संस्कृति ल्यंकेमाः धकाः छँया वास्ता मयासैं सक्रिय जुयाच्वनादीगु दु। वय् कःपिसं लछि तक ग्वाहालि यानाः भीगु संस्कृति ल्यनी धइगु ल्याखँ ज्या

यानाच्वंगु दु।

➤ छिकपिं जात्राया इवल्य यैं वय्बलय् च्वनेत समस्या दु धइगु खँ वयाच्वंगु दु। उक्तथं हे छँ दुने च्वने मजिउ धइगु खँ नं वयाच्वंगु दु। थुक्तियात गुक्तथं समस्या ज्यंकेमाः थें च्वं ?

भिनिदै जात्राया इवल्य गुगु थासय् च्वनेमाःगु खः। अन च्वनेत थाय् मगाः। अन चिभाः छगू दु। उगु जग्गा सरकारी खः कि निजी खः धइगु नं स्पष्ट मदु। उगु जग्गा बारे न्येकने याय्गु ज्या जुयाच्वंगु दु। जात्राया कारणं भचा लिबाःगु जक खः।

➤ उगु थाय् न्हापां निसैं भिनिदैया जात्रा याय्गु इवल्य द्यः तय्गु थाय् जुयाच्वंगु खः ?

द्यः तय्गु धकाः अन हे च्वनेगु मखु। जिपिं न्हिथं वयाः उगु थासय् च्वनाः वसः पुनेगु, ख्वाःपाः पुनेगु व द्यः ल्हानाः पिहां वय्गु जक खः। थव न्हापां निसैं याना वयाच्वंगु चलन खः। भिनिदै जात्राया इवल्य खुल्ला थासय् च्वनेमाःगु चलन दु। तर यैंया इवल्य धाःसा काय्गःननि च्वनेगु खः। अन थाय् हे दु।

➤ २०७० सालय् नं भिनिदैया जात्रा जूगु खः। आःया जात्राय व न्हापाया जात्राय छु अन्तर दु ?

२०७० सालय् भिनिदैया जात्रा याय्गु इवल्य तसकं दुःख जुल। बजेट मदु। उगु इलय् जात्राया न्हिं न्यान्हु खुन्हु जक ल्यैं दनि तर जिमिके द्यबा मदु। उगु इलय् सुरेन्द्रभक्त श्रेष्ठ व नृपेन्द्रलाल श्रेष्ठया ग्वाहालिइ जिपिं अर्थ मन्त्रालय वनाः ल्वाय्माःगु अवस्था तकं वल। राज्यं याय्माःगु दायित्व पूर्वकेमाःगु ज्या तकं राज्य पूर्वकाच्वंगु मदु। थवहे अनुभवं यानाः जिमिसं छगू संस्था दय्केमाःगु वाः चाय्काः संस्था दर्ता याय्गु ज्या जुल। थुक्तथं न्हापाया स्वयां थुगुसी भचा अपुक्त ज्या जुयाच्वंगु दु धकाः धाय्माः।

➤ अन्तय् जात्राया बारे सर्वसाधारणयात छु धयादी ?

जात्रा न्ह्यानाच्वंगु दु। सकल नेपाःमिपित जात्रा स्वयत्त इनाप यानाच्वना। उक्तथं हे जात्राया इवल्य छुं कमजोरी खनेदुसा सुभाव बियादीत इनाप याना।

हरेक मंगलवाः
राष्ट्रियताको लागि समर्पित



मेरो साप्ताहिक

मेरो साप्ताहिक Mero Saptahik

माला: माला: ब्वनादिसैं ।



Sweet Cave

(जीवन दाईया पसः)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस्।

आउटडोर भेज क्याटरिङ्ग पनि गरिन्छ।



जीवन संरक्षण समूहया ग्वसालय् जगत सुन्दर ब्वनेकुथिइ ? निसैं ३ तगिंया मस्तयूत दछियात गाक्क कापी कलम इनेगु ज्याइवलय् संस्थाया नायः उमा माथेमालिसे ब्वनेकुथिया प्रधानाध्यापक सुनिता मानन्धर । संस्थां ५० म्ह मस्तयूत न्हिनसिया खाजा नकेगु व्यवस्था यानावयाच्चंगु दु ।

किपूया म्येहालामि एरोन निभाः डंगोलया हिरो

लहना वाःपौ/म्येहालामि निभाः डंगोलया अफिसियल यूट्युब च्यानलय् “सुलाः सुलाः ...” बोलया म्यूजिक भिडियो अपलोड जुल । अतिकं यइपुसे च्वंगु थुगु म्येया च्वमि व हालामि निभाः डंगोल खःसा थुगु म्येया म्यूजिक भिडियो स्वयं म्येहालामि निभाः डंगोलया मू भूमिका दु ।

म्यूजिक भिडियो दुने म्यूजिक भिडियो छायांकन जुयाच्चंगु लू न्ह्यब्वयातःगु थुगु म्येया म्यूजिक भिडियोय् नायिका कथं म्येहालामि निभाः डंगोल दुसा निभाःया हिरो कथं एरोन महर्जन दु । अले म्यूजिक भिडियो दुने म्यूजिक भिडियोया निर्देशकया भूमिकाय्



विसुमराज शाक्यं अभिनय यानातःगु दु । म्यूजिक भिडियो दुनेया छायांकन जुयाच्चंगु लूया हिरो एरोन महर्जन ला जु हे जुल, तर नायिका निभाः डंगोलं निर्देशक विसुमराज शाक्ययात मनमनं मतिनाया भाव क्यनाच्चंगु लू न्ह्यब्वयातःगु दु

बिस्कं पहःया नेपालभाषाया न्हगु म्यूजिक भिडियो “सुलाः सुलाः” दुने । न्हूकथंया बाखं हनाः दय्कातःगु थुगु “सुलाः सुलाः” म्यूजिक भिडियोया निर्देशक योवन शाक्य ‘14K’ खःसा कोरियोग्राफर इरा महर्जन खः ।

बाघभैरव प्याखंयात कयाः ध्यानाकर्षण

लहना वाःपौ/ नेवाः देय् दबू किपू नगर समितिं गथु प्याखं (बाघभैरव प्याखं) या ख्वाःपाः उइगु दिप पुनःनिर्माणया खँय् चिउताः प्वंकुसे ध्यानाकर्षण याःगु दु । देय् दबू किपू नगरपालिका ३ वडा समितिं दीखु विकास समिति किपूयात पुनःनिर्माण जुयाच्चंगु दिपयात कयाः ध्यानाकर्षण याकूगु खः । समितिं किपुलिइ भिनिदैय् छक्वः पिहां वइगु गथु प्याखंया ख्वाःपाः उइगु दिप पुनःनिर्माणया खँय् चिउताः प्वंकुसे ध्यानाकर्षण याकूगु खः । वडा समितिंया छ्याञ्जे सूर्यमान

महर्जनं ल्हाःचिं तयाः पिथंगु ध्यानाकर्षण पौ किपू नगरपालिका व नगर प्रमुखयात नं बोधार्थ कथं बिउगु दु ।

ध्यानाकर्षण पतिइ गथु प्याखंया ख्वाःपाः उइगु दिप किपूया हे म्हसीका जुयाच्चंगु व भिनिदैय् छक्वः पिदनीगु गथु प्याखं थ्वलिसे स्वानाच्चंगु माली समुदायया जक मखसे समग्र रुपं किपूया हे सभ्यता जूगु खँ धयातःगु दु । गथु प्याखनय् प्याखं ल्हुईपिं, बाजं थाईपिं गथुत जक मखसे मेमेगु नं समुदाय स्वानाच्चंगु खँ न्ह्यथेंसें गथु

प्याखंया ख्वाःपाः बिस्कं दिपय् उइमाःगु मौलिक संस्कृति दुगु व लिपांगु इलय् बाघभैरव अर्थात गथु प्याखंया ख्वाःपाः उइगु याना वयाच्चंगु दिप मेगु हे थासय् दय्केगु कुतः जूगु धासें आपत्ति प्वंकातःगु दु । किपू देय् दुनेया आपालं प्रथाजान्य संस्कार, संस्कृति लिसें परम्परागत दिपय् गथु प्याखंया ख्वाःपाः उइगु संस्कृतिइ लिच्चः लाइकथं मेगु हे थासय् दिप दय्केगु कुतः जुयाच्चंगु खँय् नेवाः देय् दबू ३ वडा समितिंया ध्यानकर्षण जूगु खँ धयातःगु दु ।

नेपाःया सम्पदाय् ग्वाहालि याय्त इटालियन विज्ञ तयार

लहना वाःपौ/ हेरिटेज इन्टरनेशनल इन्स्टिच्युटया एकेडेमिक डाइरेक्टर प्रा. जिआन्तुइगी मास्तेन्द्राया ग्वसालय् व त्रिभुवन विश्वविद्यालयया डा. टिना मानन्धरया समन्वयय् प्यम्ह दुजः दुगु इटालियन पुचलं स्वनिगःया लिसे पन्तिया भ्रमण याःगु दु ।

इटालियन पुचलं स्वनिगःया ऐतिहासिक लिसे सम्पदा क्षेत्रया निरीक्षण याय्गु इवलय् थीथी स्वंगू ज्याइवलय् ब्वति काःगु खः । न्हापांगु न्हि पन्तिइ जूगु अन्तरक्रियाय् नगरपालिकाया प्रमुख रामशरण भण्डारी पन्ति नगरपालिकायात

विश्व सम्पदाया धलखय् तय्गु कुतः जुयाच्चंगु जानकारी बिउगु खःसा विश्व सम्पदाय् दुथ्योकगु नितिं एसर नेपालया प्रनितिधिपिसं प्राज्ञिक क्षेत्रय् ग्वाहालि याय्गु खँ धाःगु खः ।

उकथं थें निन्हु कुन्हु इटालियन पुचलं राष्ट्रिय संग्रहालय छाउनी सहकार्य याय्गु प्रतिवद्धता प्वकूगु खः ।

निगुलिं संस्थाया सहकार्यय् संग्रहालय दृष्टिविहिनतयूत अवलोकन याकेगु बारे सहलह जूगु खः । सहलहया इवलय् संग्रहालय तयातःगु क्याप्सनयात इटालियन, नेपाली व अग्रेजी भाषाया ब्रेल लिपिइ

सूचिकरण याय्गु व दृष्टिविहिनं थियाः हे उकिया जानकार काय्फइगु डमो बारे सहलह जूगु खः । स्वन्हु कुन्हु त्रिभुवन विश्वविद्यालयया नेपाली इतिहास, संस्कृति व पुरातत्व केन्द्रिय विभाग व नाथमया सहकार्यय् अन्तराष्ट्रिय कन्फरेन्स जूगु खः । उगु ज्याइवलय् इटालीया पुचःपाखे डा. फलाभिया ओर्साती, प्रो. जिआनलुका फिनिचिलुची व डा. जिओर्गिओ मारिनेली कार्यपत्र न्ह्यब्वःगु खःसा नेपाःपाखे प्राडा. त्रिरत्न मानन्धर व डा. सुरेशसरश श्रेष्ठ कार्यपत्र न्ह्यब्वयादीगु खः ।

निपु म्युजिक भिडियोया पितब्वज्या



लहना वाःपौ/ पूर्णकाजी ज्यापुया निपु म्युनिजक भिडियो पितब्वज्या जूगु दु । यँया पुलांम्ह मेयर विद्यासुन्दर शाक्य मूपाहां कथं भायादीगु उगु ज्याभूवलय् ‘लैं चाय्गु चक्कु’ वं त्वःता वनेमानि’ म्येया म्युजिक भिडियो पितब्वज्या जूगु खः । चःमति नेवाः खलः, चःमति मिसा खलःया मंकाः ग्वसालय् पितब्वज्या ज्याभूवः चःमति नेवाः खलःया नायः राजेन्द्र महर्जनया सभानायःसुइ जूगु खः ।

ज्याभूवलय् ‘त्वता वनेमानि’ म्येया च्वमि, लय् चिनामि व भिडियोया निर्देशक पूर्णकाजी ज्यापुं लसकुस नुगःखँ तयादिलसा सभानायः राजेन्द्र महर्जनं सुभाय् देखाना दिल ।

ज्याइवलय् नेपालभाषाया न्हापांम्ह सिने पत्रकार विजयरत्न असंबरे व ज्ञानमाला भजन संघया

नायः रमना श्रेष्ठ भिडियोया समीक्षा यानादीगु खः ।

अथेहे ज्याभूवलय् ‘लैं चाय्गु चक्कु’ म्येया संगीत संयोजक जुगल डंगोल व ‘त्वःता वनेमानि’ म्येया लय् चिनामि हरिशरण सायामिपिसं नुगः खँ तयादीगु खः । पितब्वज्या जूगु म्ये मध्य ‘लैं चाय्गु चक्कु’या म्येच्चमि राधाकृष्ण तण्डुकार खःसा जुगल डंगोलं लय् चिनादीगु खः । थ्व म्ये म्येहालामि ज्यापु व म्ये च्वमि तण्डुकारया नापनापं आराध्यालक्ष्मी खड्गीलगायतया कलाकारपिसं अभिनय यानातःगु दु ।

मेगु म्ये भजन कथं दुसा थुके सानुबाबु महर्जन, दिपा महर्जन, रत्नशोभा महर्जन व सिद्धार्थ महर्जनपिसं हालातःगु दु । थ्व निगुलिं भिडियोया किपालुमि विशाल डिगडंग व सम्पादन इन्द्र मानन्धरं यानादीगु खः ।

मेयर साह्या ...

मेखे महानगरपालिकाया कर्मचारीतय्सं नं कार्यपालिकाया बैठक च्वने मफुगुलिं यानाः समस्या जुयाच्चंगु खँ धाःगु दु । वडा अध्यक्षतय्सं थीथी समस्या ज्वनाः वःसां नं उकियात समाधान याय्गु लँपु धइगु कार्यपालिकाया बैठक जूगुलिं थौंकन्हय् छुं नं कथंया निर्णय याय्त समस्या जुयाच्चंगु खँ धाय्गु यानाच्चंगु दु ।

बैशाख ६ गते ...

जनताय् वनेगु नितिं मोर्चाया अधिवेशन याय्गु लिसें गतिशील दय्केगु ज्याय् थःपिं न्ह्यानाच्चनागु खँ नं धयादिल । नेवाः समुदाय व पार्टीया सम्बन्ध कमजोर जूगु विषययात आत्मसमीक्षा यानाः न्ह्याःवनेगु खँ नं धयादिल ।

सम्बोधनया इवलय् अध्यक्ष दाहालं धयादिल, नेपाःया राजनीतियात समाजवादपाखे यंकेत आदिवासी जनजाति उकिइ नं नेवाः समुदायया संस्कृति, संस्कार, परम्परा, गुथि, खलः पुचः, आर्थिक प्रणाली, सामाजिक सम्बन्धय् नेपाःया विशेषता कथंया समाजवादया भुण दुगु व उकिया अध्ययन यानाः नेपाःया समाजवादपाखे न्ह्याकेमाःगु

खँ धयादिल । नेवाः राष्ट्रिय मुक्ति मोर्चा नेपाःया न्हूम्ह नायः उमेश स्थापितया नेतृत्वय् ल्यःगु मोर्चाया केन्द्रीय समितिंया मुँज्या छ्वाः दुने च्वनीगु जूगु दु । आइतवाः मोर्चाया स्वक्वःगु अधिवेशन नायः पदय् उमेश स्थापितयात ल्यःगु खःसा अथेहे, १३० म्ह दुजः दूगु केन्द्रीय समिति ल्यःगु खः ।

मोर्चाया विधानकथं केन्द्रीय समितिइ १० प्रतिशत मनोनित याय्गु व्यवस्था दु । मनोनित व समावेशी प्रतिनिधित्व जुइकथं २१ म्ह दुजः लिपा तनीगु व छ्वाःया दुने केन्द्रीय समितिंया पूर्ण मुँज्या च्वनाः थीथी भाला लःल्हाय्गु तयारी याःगु दु ।

नेवाः राष्ट्रिय मुक्ति मोर्चा नेपाःया सांगठनिक संरचना कथं न्हयगू प्रदेशय् न्हयम्ह न्वक् व न्हय् म्ह सचिव, यँ, यल व ख्वपं छम्ह उपाध्यक्ष व छम्ह सचिवया व्यवस्था याय्त्यंगु दु । मोर्चाया १५१ म्ह दुजलय् मनोनितपाखें १० प्रतिशत, यँ जिल्लापाखें ३० म्ह अथेहे थीथी जिल्लापाखें प्रतिनिधित्व यानाः नीस्वंगु खः । नेवाः मुक्ति मोर्चा नेपाःया भिदै लिपा स्वक्वःगु तःमुँज्या जूगु खःसा थ्वया न्ह्यः थुगु मोर्चाया नायः दिलीप महर्जन जुयाच्चनादीगु खः ।

प्रचलित नेपाललिपिं पिहाँ वयाच्चंगु
म्हसीका लय्पौ ब्वनादिसैं/ब्वंकादिसैं

महीका लय्पौ

MHASIKA Monthly | म्हसीका मासिक

धम्मवती गुरुमांयात ‘महासद्धम्मजोतिकधज’ उपाधि



लहना वाःपौ/ धम्मवती गुरुमांयात म्यानमार सरकारपाखें थेरवाद बौद्धधर्मया दकल्य तःधंगु उपाधि “महासद्धम्मजोतिकधज” उपाधि लःल्हाःगु दु। वंगु सोमवाः धर्मकीर्ति विहार श्रीधल्य नेपाःया नितिं म्यानमारया राजदूत यू म्यो मिन्ट मौड भायाः थथे उपाधि लःल्हानादीगु खः। उगु उपाधि लःल्हासैं नेपाःया नितिं म्यानमारया राजदूत धम्मवती

गुरुमां नं बौद्धधर्मया ख्यलय यांनाः बिज्याःगु योगदानयात लुमंकूसैं म्यानमार सरकारपाखें थथे उपाधि लःल्हायगु निर्णय जूगु कथं धर्मकीर्ति बिहारय वयाः उपाधि लःल्हायदूगुलिं लसता प्वकादीगु खः।

ज्याइवल्य मूपाहाँ कथं भायादीम्ह पुलांम्ह मन्त्री लिसैं सांसद कृष्णगोपाल श्रेष्ठ धम्मवती गुरुमांयात म्यानमार सरकार लःल्हाःगु थुगु उपाधि

नेपाःया नितिं हे तःधंगु इज्जत व प्रतिष्ठा जूगु विचाः प्वकूसैं म्यानमारया जनतां उगु इलय हे धम्मवती गुरुमांयात नेपालं छ्वयाहःम्ह बुद्धया प्रतिनिधि कथं काःगु धासैं गुरुमां थः भिंज्यदैं दूगु इलय हे नेपाःनिसैं म्यानमारतक न्यासि बिज्यानाः बुद्धधर्मया अध्ययन यानादीगु खैं नं कनादिल।

उपाधि लःल्हायगु ज्याइवल्य म्यानमारय छुं दिं न्ह्यः ब्वःगु तःभुखाचय लानाः पीडित जूपिं जनतायात ग्वाहालि यायगु कथं धर्मकीर्ति विहारपाखें मुंकूगु ३० लाख ६० हजार तका दां नेपाःया नितिं म्यानमारया राजदूतयात लःल्हाःगु खः।

धम्मवती गुरुमां म्यानमारया जनतां अतिकं हनातःम्ह व्यक्तित्व खःसा वसपोलयात २०५१ सालय म्यानमार सरकारपाखें “अम्ममहागन्धवाचक पण्डित” उपाधि लःल्हाःगु खः।

दीप श्रेष्ठ एकल साँभ जुइगु

लहना वाःपौ/ म्ये हालामि दीप श्रेष्ठया ‘एकल साँभ’ ख्वपय जुइत्यंगु दु। वंगु आइतवाः ख्वपय भक्तपुर साँभ सभा व चेम्बर अफ कमर्स ग्वसाः ग्वःगु पत्रकार सम्मेलनय ज्याइवःयात कयाः नायः अल्बर्ट वज्राचार्य थ्व हे वैशाख २० गते दीप श्रेष्ठया कालजयी म्येत ‘एकल साँभ’य जुइगु जानकारी बियादीगु खः।

एकल साँभ ज्याइवल्य द्वःछि स्वयां अप्वः स्वकुमितयसं ब्वति काइगु ज्याभ्वल्य श्रेष्ठ भिंखुपु म्ये हालादीसा भक्तपुर साँभ सभाया पाखें नं मेपिं म्येहालामितय ब्वति दइगु खैं धाःगु दु।

ज्याभ्वल्य ख्वपया मौलिक साँस्कृतिक म्हासिका ब्वइगु ज्वलं, थीथी उत्पादन लिसैं नसात्वैसाया स्टलनापं तयगु नायः वज्राचार्य जानकारी बियादिल।

पत्रकार सम्मेलनय वरिष्ठ म्येहालामिश्रेष्ठसंजीतय आधुनिकीकरण तच्चयावंगुलिं आधुनिक म्येयागु



संरक्षणय हाथ्या अप्वःगु खैं धयादिल। ज्याभ्वल्य वरिष्ठ म्ये च्वमि सुभासचन्द्र दुङ्गेलं ख्वपय लिपांगु छुं दैं थुके जुयावःगु आधुनिक म्येया ‘एकल गायन साँभ’ व थनया ल्यायम्ह पुस्तां न्ह्याकूगु म्येया अभियानं न्हूगु ऊर्जा बिउगु खैं धयादिल। ज्याभ्वःया काज नापं समाजया दुजः रोशन धौभडेलं संस्थां थ्व स्वयां न्ह्यः नं अरुण थापा स्मृति साँभ, नारायणगोपाल स्मृति साँभ, दीपक खरेल साँभ, भक्तपुर साँस्कृतिक पर्यटन नापं व्यापार महोत्सव थेंजाःगु ज्याभ्वःत न्ह्याकेधुनागु जानकारी बियादिल।

बज्रयान महाविहारया दातातयूत हन

लहना वाःपौ/उपप्रधान लिसैं शहरी विकास मन्त्री प्रकाशमान सिंह बुद्धजन्मभूमि लुम्बिनीइ नेपाली वास्तुकलाया अनुपम नमूना ‘लुम्बिनी बज्रयान महाविहार’ निर्माणया नितिं अमूल्य कलाकृति व वस्तु दान बियाबिज्यापिं/दीपिं दाता महानुभावपिंत थौ थन हनाः पौ लःल्हाना दिल।

विसं २०६८ न्हवं हे निर्माणया ज्या न्ह्याकूगु थुगु महाविहार मुकं देय् दुनेया हे स्रोत छ्यला निर्माणया ज्या क्वचायकूगु खः। थुगु महाविहार निर्माणयानितिं यैं महानगरपालिकापाखें प्यंगु क्वति स्वयां अप्वः आर्थिक ग्वाहालि चूलाःगु खः।

उगु ज्याइवल्य उपप्रधान लिसैं शहरी विकास मन्त्री सिंह नेपालीतय हे न्ह्यपलाखय स्वदेशया स्रोत साधन मुंका लुम्बिनीइ बज्रयान महाविहार धस्वाकेफगुलिं कुशल नेतृत्व दतधाःसा लक्ष्य प्राप्तनापं जनविश्वास काय्फइ धैगु तथ्य स्थापित जूवंगु दु धयादिल।

महाविहार निर्माणय ग्वाहालि



चुलाकाबिउथें विकास निर्माणया गतिविधि व स्थिरताका नितिं नं ग्वाहालि बियत नेपाली समाजका प्रबुद्ध वर्गयात वय्कलं इनाप यानादिल।

महाविहारया चक्रेश्वर प्रा डा नरेशमान बज्राचार्यदेय् दुनेया हे स्रोत छ्यला महाविहारया निर्माण ताःलाकेत वस्तुगत तथा नगद ग्वाहालि बिया दीपिं उदार हृदयया दातातयूप्रति कृतज्ञता प्वंकुसे नेता गणयात नं राजनीतिक विचारधारायात स्वयाः अप्वः समाज र देय्या हितयात प्राथमिकताय तथा न्ह्यावनेत आग्रह यानादिल।

समाजसेवी लिसैं पर्यटन व्यवसायी कर्ण शाक्य नेपाली जनता सुसंस्कृत र मनकारी जूगु व थुगु कारण नं हलिन्यकं म्हासिका दूगु खैंन्ह्यथनादिल।

उगु ज्याइवल्य महाविहारय पलिस्था यायूत बुद्ध वमेमेपिं देवी देवताया मूर्ति, चैत्य, कलात्मक इयाः,तोरण, लुं लेपन यानातःगु गजु, बज्रधातु मण्डल, सिंहया प्रस्तर मूर्तिलगायत थी थी कलात्मक हलंज्वलंत व दां दान बियादीपिं दाता महानुभावतयूत हनापौ लःल्हागु खः।

सामाजिक सञ्जालको रचनात्मक प्रयोग गरौं

- सामाजिक सञ्जालमा प्राप्त भएका सूचनाको सत्यता बुझेर मात्र विश्वास गरौं,
- सामाजिक सञ्जालमा आउने भूठा वा भ्रामक सूचनाले अफवाह फैलाउन सक्छ,
- सामाजिक सञ्जालको प्रयोग ज्ञान प्राप्त गर्ने र सूचना आदानप्रदान गर्ने गरौं,
- सामाजिक सञ्जाललाई सकारात्मक र रचनात्मक रुपमा प्रयोग गरौं,
- सामाजिक सञ्जालको अत्यधिक प्रयोगले मानसिक तथा शारीरिक समस्या देखापर्न सक्छ, सतर्क रहौं।



नेपाल सरकार

विज्ञापन बोर्ड

छत्रपाटी निःशुल्क चिकित्सालय (अस्पताल)

"स्त्रीय शुलभ स्वास्थ्य सेवा सकसियां निति, असहायका निति जक निःशुल्क"

उपलब्ध सेवा

२४ घण्टा सेवा

- इमरजेन्सी
- प्याथोलोजी
- एक्स रे
- ई सी जी
- औषधि पसल
- अन्तरंग सेवा

शल्यक्रिया

- मोतिविन्द
- स्तरस्तर कन्सि
- नक् बास पेटो सम्बन्धि
- हाडतोर्नी तथा नक् सम्बन्धि
- बिना विचार गिराव नक्को पक्कर सम्बन्धि

बहिरङ्ग सेवा

- मुटु रोग
- फेफ रोग
- गुर्वाजोर्नी
- स्त्री रोग
- बाल रोग
- कवल्मर रोग
- चर्म रोग
- आँखा रोग
- ज्वररुज सिन्ड्रोम
- बर्म नक्का बीन रोग
- नक् बास पेटो रोग
- ज्वररुज हेन्स चैक अल
- बाइरोइड
- मधुमेह

मेमेसु सेवा

- टेसिङ
- इण्टोस्कोपी
- कोलोन्स्कोपी
- फिजियोथेरापी
- इन्ट्राउटर, स्तर ट्रफर र इको
- इरोपेनी स्तरको इन् प्रयोगाला
- टि.एम.टि. हल्टर

२४ घण्टा

इमरजेन्सी सेवा

७०८ गंगालाल मार्ग, छत्रपाटी, काठमाडौं, फोन: ५३९६९३८, ५३५७९९९, ५३६६२२९